



UNIVERSITÄTS-
BIBLIOTHEK
PADERBORN

**Claudii Fleury, Presbyteri, Prioris Argenteliae Et Reg.
Christianiss. A Confessionibus Institutiones Juris
Ecclesiastici**

Fleury, Claude

Moguntiae, 1760

XXIX. De privilegiis clericorum.

[urn:nbn:de:hbz:466:1-67899](#)

C A P. XXIX.

DE PRIVILEGIIS CLERICORUM.

1

PERSONAE, vel clericatu vel professione religiosa Deo consecratæ; semper præ certis Christianis plura præcipua habuerunt, præfertim iis temporibus, quibus cum horum hominum statu excellens virtus individuo vinculo sociabatur. Gavisi sunt præcipuis honoribus, redditibus, exemptionibus, aliisque juribus utilibus. De his posterioribus, quatenus vel in certis redditibus, vel in retributionibus, vel in oblationibus incertis confitunt, potissimum agemus *Parte II.*

II. TANTO majori honore sunt habiti, quanto magis honores fugiebant, demissio-
nis animi & summæ caritatis sectatores. Pri-
mis sæculis Christiani ad eorum genua provo-
luti, pedes exosculati, benedictionem flagitan-
tes, patres, dominos, venerabiles, amabiles Deo,
sanctos appellabant: quæ vocabula deinceps,
frigescente affectu, dicis caussa usurpata, & re-
gulares etiamnum domini, patres, reverentia,
vocantur, titulis Episcoporum olim & presby-
terorum propriis.

¹⁾ Vid. tr. de morib. Christianor. c. 25, 29.

III. ECCLESIASTICI vulgo in Ecclesiis, omnibusque sacris pompis, primum locum occupant, laicosque omnes antecedunt. In

conventibus politicis *corpus clericorum* præit corpora reliqua omnia, quod in conventibus regni generalibus & diætis provincialibus cernitur. Corpora clericorum, veluti capitula & collegia regularium cum inter se, tum ad corpora sæcularium relata, veterem consuetudinem sequuntur, quod etiam de singulis Ecclesiasticis observandum, nisi vel ob *beneficium*, quod habent, vel ob *officium* altius ascendere datum¹. Lites de hac re in pompis solennibus aliisque publicis cærimonias oborientes componit Episcopus². In Francia quidem Episcopus vitandi scandali causa interloquitur, sed quia hæ controversiae habentur pro cauissimis *possessoriis*, judex laicus decidit. Injuriæ his illatæ habentur pro atrocioribus, &c., si reales sunt, excommunicationem operantur, & eam quidem reservatam³.

1) *Vid. Memoir. du Clergé part. I. tit. 2. c. 5.*

2) *Concil. Trid. Sess. 25. de regul. c. 13.*

3) *C. 16. q. 4. c. 29.*

in immunitatibus IV. EXEMPTIONES sunt duplicis generis. Aliæ personas potissimum afficiunt, tenduntque ad tranquillitatem Ecclesiastico-rum, ut sacris vacare possint: aliæ bona respi-ciunt. Quum enim ex publico aluntur & laborum præmia capiunt; justum est, ut hæc conserventur, ne altera manu eripiatur, quod altera datum est.

*personæ
bus,*

V. IN personalibus princeps est exemptione a *jurisdictione*. Nam vulgo nulla persona ecclesiastica coram *judice sæculari* conveniri po-

test: qua de re *Part. III.* porro exemptione a *muneribus municipalibus*, a tutelis, curatelis, nisi quas sponte suscipiunt¹. Inde a Cypriani temporibus statutum est, si quis clericum in testamento tutorem nominaverit, pro ejus anima sacrificium fieri non debere². Debitorum causa non in *vincula* conjici, nec in res mobiles eorum, quae ad cultum divinum destinatae & ipsis necessariæ sunt, *executiones* fieri possunt³. Immunes sunt a *militia*, ad quam olim ob feuda, quæ possident, tenebantur, nisi in *sequela*: nec alios milites submittere, aut pretio id onus redimere coguntur. Immunes sunt ab *excubiis*, *vigiliis*, *militum hospitalibus*, pœna capitis sancita in eos, qui in domus presbyterorum, aut in domus certis beneficiis affixas, aut a clericis habitatas, irrumpunt hospitandi causa. Prohibitum etiam *consulibus* & scabinis, ne militi hujus rei causa tesseras hospitalares scribant; ne quid pro redimendo hospitalii onere, pro utensilibus, militumque alimentis a clericis exigant; exacta restituant⁴. Eadem ratione ab onere alendi militem, muniendo civitates, conferendi ad subsidia cuiuscumque generis exempti sunt⁵.

1) *I.52. C. de episc. & cler. C. 16 q. 1. c. 40.*

2) *Cyprian. ep. 1. al. 66. dist. 88.* 3) *Stat. Bles. art. 57.*

4) *C. 4. X. de immun. Eccles.* 5) *C. 29. C. 7. eod.*

V.I. IN terris, quæ onerantur in capi- censualia ta, immunes sunt clerici, nec onerari possunt, bus, si vel maxime beneficia vel ipsi percipiunt, vel matrimonia habeant, decimasque teneant. Quæ privilegia novissime parum pensi habita-

Plerisque in locis subjecti sunt *tributo negotiatorio*, quum provinciarum præfecti decimas conductas pro officio æstiment, & incolæ oneris partem in eos devolvant. *Beneficiati* unius tantum beneficii intuitu immunes sunt.

realibus.

VII. IN terris, quæ onerantur ratione fundorum, fundi ecclesiarum æque ac nobilium immunes sunt, & qui alienati sunt, si ad ecclesiam redeunt, illico e *catastro* delentur. Sed hæc immunitas restricta est ad veteres fundos, quos Ecclesiæ possederunt, antequam *catastrum* invaluit. In terris, quæ oneri *salinario* subjectæ sunt, Ecclesiasticis parcitur, nec domus eorum, prohibiti salis ergo, perquiruntur. Nec vini, quod ipsi ex fundis sive patrimonialibus sive beneficiariis hauriunt, *censum*; nec si id per aversionem vendunt, *vicesimam*; nec si sigillatim, *octavam* vel *quartam* solvunt. Et ista quidem summa est privilegiorum, quibus Ecclesiastici in Francia gaudent, potius, minus, pro temporum & locorum diversitate: quod usu addiscendum. Communitates autem religiosorum & religiosarum corporibus Ecclesiasticis annumerantur.

